


Gino Vrolijk a bishita muchanan di Caiquetio school

ORANJESTAD – Recientemente e autor Gino Vrolijk a bishita muchanan di Caiquetio school. Esaki ta den cuadro di 'Festival di Buki pa Mucha' di biblioteca autor di buki pa mucha. Pa muchanan cu no ta haya bishita na scol di meneer Gino Vrolijk, nan por bay biblioteca Playa, diaran-son atardi 3or, pa un actividad special. Muchanan entre 4 pa 12 aña ta bon bini.

Gino Vrolijk a cuminsa traha na Colegio Hilario Angela. Di tempo ey semper su deseo tawata pa a bay traha den e seccion di Departamento di Enseñansa, esta Desaroyo di Curiculo. Y despues di 4 aña trahando den 1ste klas su deseo a keda cumpli. Gino Vrolijk a traha 4 aña na Desaroyo di Curiculo. Aki el a haci diferente trabou den cuadro di innovacion di enseñansa primario. Por ehempel traha les pa scol y duna presentacion na e maestronan di scol encuan- to e importancia di e idioma Papiamento den enseñansa. Actualmente Gino Vrolijk ta cabesante di Fontein Kleuterschool na San Nicolas.

'Sumpi, e wanglo sabi' (2007) ta e prome buki cu Gino Vrolijk a skirbi. E idea pa e storia a bini ora el a corda riba con e tawata hunga y pasa tempo den e cunucu di su welo. Locual e no por lubida ta e cantidad di bes cu el a trapa riba wanglo. Tempo Gino Vrolijk tawata chikito, tur anochi su wela y su mama tawata cont'e un storia prome cu e bay drumi. Y di aki su interes pa lesamento y buki a cuminsa. Pa Gino Vrolijk conta y/of lesa buki pa muchanan ta masha importante pasobra ta di e forma aki lesamento ta cuminsa.



MI AMIGONAN

...ATA MI AMIGO RICKY. NOS TA
GUSTA LESA BUKI. TUR SIMAN
NOS TA TOPA PA CONTA OTRO DI
UN BUKI CU NOS A LESA Y
BUSCA MAS BUKI PA LESA
NA BIBLIOTECA...